

WORD

WHAT

What does the Bible say?

¹⁰Sapagkat ang Diyos na nagbibigay ng binhing maitatanim at ng tinapay na makakain, ay siya ring magbibigay at magpaparami ng inyong binhing maitatanim upang lalong dumami ang bunga ng inyong kabutihan. ¹¹Payayamanin niya kayo sa lahat ng bagay upang makapagbigay kayo nang sagana sa lahat ng paraan. Sa gayon, marami ang magpapasalamat sa Diyos dahil sa atin.

2 Corinto 9:10,11

Ang lahat ng ani ng isang magsasaka ay nagmumula sa isang binhi. Ang bawat binhi ay namumunga rin ng kapareho nitong uri. Totoo rin ito sa buhay-pera natin, at matatamasa natin ang probisyon at kaunlaran kapag naunawaan natin ang potensiyal ng isang binhi at kapag naghasik tayo ng tamang uri nito. Heto ang tatlong bagay na nagpapaliwanag sa kung ano ang ugnayan ng prinsipio ng isang binhi sa ating pananalapi.

- **Ang Diyos ang nagbibigay ng binhi sa atin upang ihasik.**

Sapagkat ang Diyos na nagbibigay ng binhing maitatanim at ng tinapay na makakain . . .

2 Corinto 9:10

Ang Diyos na matapat nating Tagapagbigay ay binibigyan tayo ng salapi para sa dalawang kadahilanan: para sa pagkain (pang-araw-araw na pangangailangan) at para sa paghahasik (upang mamuhunan sa Kanyang kaharian). Ang pera ay parang isang binhi na pupwede nating gastusin, ipunin, o ihasik. Dapat marunong tayo sa pagdadala ng mga binhing binibigay sa atin ng Diyos. Ang isang binhi sa ating mga kamay ay kakayahan upang makapagbigay at maging isang biyaya. Bakit hindi tamang “kainin” natin ang lahat ng ating mga binhi?

- **Naghahasik tayo ng butil kapag tayo ay nagbibigay.**

⁶Alalahanin ninyo: Ang naghahasik ng kaunti ay kaunti rin ang aanihin. Subalit ang naghahasik ng marami ay marami ring aanihin. ⁷Magbigay ang bawat isa ayon sa kanyang ipinasya—huwag masama sa loob o dahil napipilitan lamang. Sapagkat mahal ng Diyos ang mga nagbibigay nang masaya sa loob.

2 Corinto 9:6,7

Sa ating pagbibigay sa Diyos, nagtatanim din tayo sa Kanyang gawain. Ang binhi na ating inihahasik ay susi sa ating probisyon.

Tulad ng pag-asa ng isang magsasakang aani siya kapag naghasik siya ng binhi, kapag nagtiwala tayo at nagbigay sa Diyos, naniniwala tayong matatanggap natin ang biyayang galing sa Kanya. Papaano tayo natutulungan ng pangakong itong magbigay sa Diyos ng may kasiyahan? Ano ang pupwede nating asahan sa pagtiwala at pagsunod natin sa Diyos sa pagbibigay?

- **Umaani tayo ng higit pa sa ating inihasuk.**

Payayamanin niya kayo sa lahat ng bagay upang makapagbigay kayo nang sagana sa lahat ng paraan. Sa gayon, marami ang magpapasalamat sa Diyos dahil sa atin.

2 Corinto 9:11

Kapag umusbong ang isang binhing itinanim, inaasahan itong mamunga ng kanyang uri. Sa prinsipio ng paghahasik at pagtanim, ang tanging trabaho natin ay ang maghasik o magtanim. Ang Diyos na ang nagpapalago at nagpaparami ng mga bunga nito. Binibigyan tayo ng kasaganahang ito ng Diyos hindi lamang para sa atin kundi upang mabiyayaan din natin ang kapwa nating nangangailangan. Bakit mahalagang gampanan natin ang paghahasik ng binhi?

SO WHAT

What is the relevance of the Word to my life?

- Gaano mo nauunawaan ang prinsipio ng isang binhi? Gaano ito katotoo sa iyong pinagdadaanan ngayon?
- Masasabi mo bang pinagpala ka ng Diyos? Sa anong paraan?
- Ano ang mayroon ka ngayon na maari mong gamitin bilang isang binhi upang makatulong sa kapwa o sa gawain ng Diyos?

NOW WHAT

How do I apply the Word to my life?

- Bukod sa pagbibigay ng iyong ikapu at handog, kanino mo pa pupwedeng ihasik ang iyong binhing salapi? Kailan mo magagawa?
- Anong pangangailangan ang pinaniniwalaan mong matutugunan ng Diyos bilang resulta ng iyong paghahasik ng binhi? Ano ang magagawa mo sa mga susunod na araw upang ipakita ang pagtiwala mo sa kabutihan ng Diyos?
- Sa aling bahagi ng iyong buhay ang nakikitaan mong kailangang hasikan ng binhi upang mapalago ito ng Diyos?